




南齊書

文學傳論

史臣曰。文章者。蓋情性之風標。神明之律呂也。蘊思含毫。遊心內運。放言落紙。氣韻天成。莫不稟以生靈。遷乎愛嗜。機見殊門。賞悟紛雜。若子栢之品藻。人才仲治之區判。文體陸機。辨於文賦。李克論於翰林。張脉。擿句褒貶。顏延。圖寫情興。各任懷抱。共爲權衡。屬文之道。事出神思。感及無象。變化不窮。俱五聲之音響。而出言異句。等萬物之情狀。而下筆殊形。吟詠規

南齊書論

範。本之雅什。流分條散。各以言區。若陳思代馬。群章。王粲飛鸞。諸製。四言之美。前超後絕。少卿離辭。五言。才骨難與爭鶩。桂林湘水。平子之華篇。飛館玉池。魏文之麗篆。七言之作。非此誰先。卿雲巨麗。升堂冠冕。張左恢廓。登高不繼。賦貴披陳。未或加矣。顯宗之述。傳教簡文之摘彥。伯分言制句。多得頌體。裴頌內侍。元規鳳池。子章以來。章表之選。孫綽之碑。嗣伯喈之後。謝莊之誄。起安仁之塵。顏延楊瓚。自比馬督。以多。爲貴。歸莊爲允。王褒僮約束。晉發蒙。滑稽之流。亦可。



奇瑋五言之製。獨秀衆品。習玩爲理事。久則瀆。在乎
文章。彌患凡舊。若無新變。不能代雄。建安一體典論。
短長互出。潘陸齊名。機岳之文。永異。江左風味。盛道
家之言。郭璞舉其靈變。許詢極其名理。仲文玄氣。猶
不盡除。謝混情新。得名未盛。顏謝並起。乃各擅奇。休
鮑後出。咸亦標世。朱藍共妍。不相祖述。今之文章。作
者雖衆。總而爲論。畧有三體。一則啓心閑釋。托辭華
曠。雖有巧綺。終致迂回。宜登公宴。本非准的。而踈慢
闌緩。膏肓之病。典正可採。酷不入情。此體之源。出靈
運而成也。次則緝事比類。非對不發。博物可嘉。職成
拘制。或全借古語。用申今情。崎嶇牽引。直爲偶說。唯
觀事例。頓失精采。此則傳咸五經。應璩指事。雖不全
似。可以類從。次則發唱驚挺。操調險急。雕藻淫豔。傾
炫心覓。亦猶五色之有紅紫。八音之有鄭衛。斯鮑照
之遺烈也。三體之外。請試妄談。若夫委自天機。參之
史傳。應思排來。勿先構聚。言尚易了。文憎過意。吐石
含金。滋潤婉切。雜以風謠。輕屑利吻。不雅不俗。獨中
胸懷。輪扁斲輪。言之未盡。文人譚士宰。或兼工非唯

識有不周，道實相妨。談家所習，理勝其辭。就此求文，終然鬱奪。故兼之者鮮矣。

騁瞻研詳，文人之致。然子顯論臣節，謂君責臣死，謂爲謬。推進沙門、儒墨九流，皆出其下。誣悖不經，諸史是非，起舍未有若斯之妄者也。

梁書

顧在觀觀生

吳興吳景旭天麗

雲間

許清胤介夫輯評

顧之萃宗之彙訂

勾章陳 裕廣生

陳 祐天生

武帝

諱衍字叔達南蘭陵人皇考順之齊高帝族弟高祖生有奇異有文在右手曰武明帝崩東昏卽位高祖舉義奉南康王卽帝位於江陵高祖封十郡爲梁公備九錫進爵爲王齊帝禪位

有罪入贖詔

元監元年夏四月

詔曰金作贖刑有聞自昔入縲以免施於中代民悅法行莫尚乎此永言叔世偷薄成風嬰譽入罪厥塗

梁書

詔

八

一

匪一斷弊之書曰纏於聽覽鉗鈇之刑歲積於牢狴死者不可復生生者無因自返由此而望滋實庸可致乎朕夕惕思治念崇政術斟酌前王擇其令典有可以憲章邦國罔不由之釋愧心於四海昭情素於萬物俗僞日久禁網彌繁漢文四百邈焉已遠雖省事清心無忘日用而委銜廢策事未獲從可依周漢舊典有罪入贖外詳爲條格以時奏聞

開統之日首于鬻獄有以見綱紀之不立矣

武帝

謗木肺石傍置函詔

天監元年
夏四月

詔曰商俗甫移遺風尚熾下不上達自來遠矣升中
馭索增其幪然可於公車府謗木肺石傍各置一函
若肉食莫函山阿欲有橫議投謗木函若從我江漢
坊在可策犀兕徒繫龍蛇方縣次身才高妙擯壓莫
通懷傳呂之術抱屈賈之嘆其理有激然受困包廝
夫大政侵小豪門陵賤四民已窮九重莫達若欲自
申並可投肺石函

梁書

詔

天



武帝

命使巡行詔

天監三年六月

詔曰昔哲王之守世也每歲十征躬事巡省民俗政刑罔不必逮末代風凋久曠茲典雖欲肆遠忘勞寃臨幽仄而居今行古事未易從所以日晏踟躕情同再撫總總九州遠近民庶或川路幽遐或貧羸老疾懷寃抱理莫由自申所以東海匹婦致灾邦國西土孤魂登樓請訴念此于懷中夜太息可分將命巡行州部其有深寃鉅害抑鬱無歸聽詣使者依源自列

梁書

詔

庶以矜隱之念昭被四方邊聽遠聞事均親覽

武帝

取士詔

天監五年
春正月

詔曰。在昔周漢。取士方國。頃代凋訛。幽仄罕被。人孤地絕。用隔聽覽。士操淪胥。因茲靡勸。豈其岳瀆。縱靈備有。厚薄寔由。知與不知。用與不用。耳。朕以菲德。若此兆民。而兼明廣照。屈於堂戶。飛耳長目。不及四方。永言愧懷。無忘旦夕。凡諸郡國舊族。邦內無在朝位者。選官搜括。使郡有一人。

舊族耳何名幽仄

錄書詔

武帝

赦詔

大同七年
冬十一月

詔曰民之多幸國之不幸恩澤屢加彌長姦盜朕亦
知此之爲病矣如不優赦非仁人之心凡厥營耗連
負起今七年十一月九日昧爽以前在民間無問多
少言上尚書督所未入者皆赦除之

明見其敝猶不能已大義不勝小慈爲用然帝在
位旣久詔書屢下舉士勸學敬祀卹民惟此數端
可謂仁心爲質所以致亂將無過猶不及之弊與

察書

詔

武帝

通用足陌錢詔

中大同元年秋七月

詔曰朝三而暮四衆狙皆喜名實未虧而喜怒爲用頃聞外間多用九陌錢陌減則物貴陌足則物賤非物有貴賤是心有顛倒至於遠方日更滋甚豈直國有異政乃至家有殊俗徒亂王制無益民財自今可通用足陌錢令書行後百日爲期若猶有犯男子謫運女子質作

以詔說法愚民豈知

梁書

詔

八

一

武帝

手敕何胤

胤居若邪山雲門寺高祖踐位詔特
進有光祿大夫胤曰吾年五十七月

食四斗米不盡
何容得有宦情

敕曰吾猥當期運膺此樂推而顧已蒙蔽昧于治道
雖復劬勞日昃思致隆平而先王遺範尚蘊方策自
舉之用存乎其人兼以世道澆暮爭詐繁起改俗遷
風良有未易自非以儒雅弘朝高尚軌物則泊流所
至莫知其限治人之與治身獨善之與兼濟得失去
取爲用孰多吾雖不學頗好博古尚想高塵每懷擊

梁書

敕

節今世務紛亂憂責是當不得不屈道巖阿共成世
美必望深達往懷不吝濡足今遣領軍司馬王果宣
旨諭意違面在近

簡文帝

諱綱字世纘高祖第三子昭明太子母弟也
大通三年昭明太子薨立爲皇太子太清三

年五月高

祖崩卽位

改年詔

太寶元年春正月

詔曰蓋天下者至公之神器在昔三五不獲已而臨
蒞之故帝王之功聖人之餘事軒冕之華儻來之一
物太祖文皇帝含光大之量啓西伯之基高祖武皇
帝道洽二儀智周萬物屬齊季薦瘥彛倫剝喪同氣
離入苑之禍元首懷無厭之欲乃當樂推之運因億
兆之心承彼犄角雪茲讎恥事非爲已義實從民故
梁書

功成弗居卑宮菲食大慈之業曾薰汾陽之詔屢下
于茲四紀無得而稱朕以寡昧哀氛孔棘生靈已盡
志不圖全僂俛視陰企承鴻緒懸旌履薄未足云喻
痛甚愈遲諒闇彌切方當玄默在躬栖心事外卽王
道未直天步猶艱式憑宰輔以弘庶政履端建號仰
惟舊章可大赦天下改太清四年爲大寶元年

簡文纘緒賊勢滔天俄延一綫絕僅湏臾觀其素
尚清令臨難從容惜乎非亡國滅身之君也

元帝

諱釋字世誠高祖第七子也封湘東王太清元年徙爲雍州刺史侯景反太宗崩承聖九年冬

十一月卽位於江陵

答王僧辯令

大寶二年十月太宗崩世祖大臨三日百官縞素

孤以不德天降之災枕戈飲膽扣心泣血風樹之酷萬始不追霜露之哀百憂總萃甫聞伯升之禍彌切仲謀之悲若封豕旣殲長蛇卽戮友欲追延陵之逸軌繼子臧之高讓豈資秋亭之壇安事繁陽之石侯景項籍也蕭棟殷辛也赤泉未賞劉邦尚曰漢主白旗弗懸周發猶稱太子飛龍之位孰謂可躋附鳳之

梁書令

徒旣聞來議羣公卿士其諭孤之志無忽

工絕典絕此處下不得一春容緩慢語尤難爲其當也

元帝

斷表勸令

是時巨寇尚存未欲卽位而四方表勸前後相屬乃下令

大壯乘乾明夷垂翼。璿度亟移。玉律屢徙。四岳頻遣。勸進九棘。比者表聞。譙沛未復。瑩陵永遠。于居于處。寤寐疚懷。何心何顏。撫茲歸運。自今表奏。所由竝斷。若有啓疏。可寫此令施行。

復讎大事也。謙讓小節也。不務其小。持其小德之。不弘也。

梁書令

元帝

勸耕令

大寶三年正月

令曰軍國多虞。戎旃未靜。青領雖熾。黔首宜安。時惟
星鳥。表年祥於東秩。春紀宿龍。歌歲取於南峻。况三
農務業。尚看天桃。敷水。四人有今。猶及落杏。飛花。化
俗。移風。常在所急。勸耕且戰。彌須自許。豈直燕垂。寒
谷。積黍。自溫。寧可墮此。玄苗。坐食紅粒。不植鶩領。空
候蟬鳴。可悉深耕。漑種。安堵復業。無棄民力。竝分地
利。班勒州郡。咸使遵承。

梁書

令

粲若朱霞。其文麗矣。史稱下筆成章。出言爲論。信
非虛乎。然多文少質。濡溢後時。故父兄之難乏節。
宵征返宅之圖。不謀信邁。致陷虎口。良有以也。

元帝

重荅王僧辯令

大寶三年三月王僧辯等平侯景傳其首於江陵以賊乎又奉表重奏相國荅

省表復具一二羣公卿士億兆夷人咸以皇天聰命歸運所屬用集寶位于予一人文叔金吾之官事均往願孟德征西之位且符前說今淮海長鯨雖云授首襄陽短狐未全革面太平玉燭爾乃議之

梁書表

元帝

與武陵王紀書

太清五年夏 紀高祖第八子 爲益州刺史率軍東下至巴郡 以討侯景爲名將圍荆陝世祖 與紀書紀不從命報書如家人 禮

書曰皇帝敬問假黃鉞太尉武陵王自九黎侵軼三
苗寇擾天長喪亂隳醜馮陵虔劉象魏黍離王室朕
枕戈東望泣血西浮殞愛子於二方無諸侯之八百
身被屬甲手貫流矢俄而風樹之酷萬恨始纏霜露
之悲百憂繼集扣心飲膽志不圖全直以宗社綏旒

梁書書

一

鯨鯢未翦嘗瞻待旦冀行天罰獨運四聰坐揮八柄
雖復結壇待將褰帷納士拒赤墜之兵無謀于魯肅
燒烏巢之米不訪于荀攸才智將殫金貝殆竭傍無
寸助險阻備嘗遂得斬長狄於駒門挫蚩尤於楓木
怨耻旣雪天下無塵經營四方專資一力方與岳牧
同資清靜隆暑炎赫弟比何如文武具僚當有勞弊
今遣散騎常侍光州刺史鄭安忠指宣往懷

元帝

又與武陵王紀書

太清五年夏
智紀之別字也 大

書曰甚苦大智季月煩暑流金礫石聚蚊成雷封狐
千里以茲玉體辛苦行陣乃眷西顧我勞如何自獯
醜憑陵羯胡叛換吾年爲一日之長屬有乎亂之功
膺此樂推事歸當璧儻遣使乎良所遲也如曰不然
於此投筆友于兄弟分形共氣兄弟瘦無復相代
之期讓棗推梨長罷權愉之日上林靜拱聞四鳥之
哀鳴宣室披圖嗟萬始之長逝心乎愛矣書不盡言

梁書書

湘東文華灼灼筆筆可愛是何梁武才子之多也

昭明太子

名統字德施高祖長子天監元年立爲皇太子生而聰睿三歲受孝經論語五歲能

讀五經悉能諷誦

與湘東王繹令

王規字威明侍東宮爲太子所禮大同二年卒太子臨哭與湘

東王

令曰威明昨宵奄復殂化甚可痛傷其風韻道正神
峯標映千里絕迹百尺無枝文辯縱橫才學優贖跌
宕之情彌遠濠梁之氣特多斯實俊民也一爾過隙
永歸長夜金刀掩芒長淮絕澗去歲冬中已傷劉子
今茲寒孟復悼王生俱往之傷信非虛說

梁書

令

一

昭明之文每讀一過酸楚交集歛魂感狀如見其
人自非長泰之噐也

昭明太子

與劉遵從兄孝儀令

劉遵少有學行起家太子舍人寵遇莫及大同元年卒官太子惜之與遵從兄陽羨令孝儀令

令曰賢從中庶奄至殞逝痛可言乎其孝友淳深立身貞固內含玉潤外表瀾清美譽嘉聲流於士友言行相符始終如一文史該富琬琰爲心辭章博瞻玄黃成采旣以鳴謙表性又以難進自居未嘗造請公卿締交榮利是以新沓莫之舉社武弗之知自旣放之官野王之職棲遲門下已踰五載同僚已陟後進

梁書令

一

多升而怡然清靜不以少多爲念確爾之志亦何易得西河觀寶東江獨步書籍所載必不是過吾昔在漢南連翩書記及忝朱方從容坐首良辰美景清風月夜鷁舟乍動朱鷺徐鳴未嘗一日而不追隨一時而不會遇酒闌耳熱言志賦詩校覆忠賢權揚文史益者三友此實其人及弘道下邑未申善政而能使民結去思野多馴雉此亦威鳳一羽足以驗其五德此在春坊載獲申脥博望無通賓之務司成多節文之科所賴故人時相媿偶而此子濫然實可嗟痛惟

與善人爲此虛說、天之報施、豈若此乎、想卿痛悼之誠、亦當何已、往矣、奈何、投筆慟愴、吾昨欲爲誌銘、并爲撰集、吾之劣薄、其生也不能揄揚、吹歔、使得騁其才用、今者爲銘爲集、何益、旣往、故爲痛惜之情、不能已、已、耳、

梁書

二

任昉

奏彈蕭穎達

臣聞貧觀所取。窮視不爲。在於布衣窮居。介然之行。尚可以激貪。厲俗。惇此薄夫。況乎伐冰之家。爭雞豚之利。衣繡之士。受賈人之服。風聞征虜將軍蕭穎達啓乞魚貫軍稅。輒攝穎達宅督彭。難當到臺。辨問。列稱尋生魚典稅。先本是鄧僧琰啓乞。限訖今年五月十四日。主人穎達于時謂非新立。仍啓乞接代僧琰。卽蒙降許。登稅與史法論一年收直五十萬。如其列

梁書

彈

一

狀。則與風聞符同。穎達卽主。臣謹案征虜將軍太子左衛率作唐縣開國侯臣穎達。備位大臣。預聞執憲私謁。亟陳。至公寂寔。屠中之志。異乎鮑肆之求。魚殮之資。不俟潛有之數。遂復申茲文二。追彼十一。風體若茲。準繩斯在。陛下弘惜勲良。每爲曲法。臣當官執憲。敢不直繩。臣等參議。請以見事。免穎達所居官。以侯還策。

彥昇彈文落筆自快。然刻肌剔髓。盡態極形。言者極意。當者何堪。厥後不昌。將或以此。

賀琛

字國寶會稽人家貧常販粟以自給聞則習業高祖聞其學術召見與語悅之遷散騎常侍

陳時事封奏

是時高祖任職者皆緣飾姦諂深害時政琛遂啓陳事條

奏曰臣荷拔擢之恩曾不能効一職居獻納之任又不能薦一言竊聞慈父不愛無益之子明君不畜無益之臣臣所以當食廢餐中宵而歎息也輒言時事列之於後非謂謀猷寧云啓沃獨緘胸臆不語妻子辭無粉飾削橐則焚脫得聽覽試加省鑒如不允合亮其慙愚其一事曰今北邊稽服戈甲解息政是生聚教訓之時而天下戶口減落誠當今之急務雖是

梁書 奏



一

處彫流而關外彌甚郡不堪州之控總縣不堪郡之哀削更相呼擾莫得治其政術惟以應赴徵歛爲事百姓不能堪命各事流移或依于大姓或聚於屯封蓋不獲已而竄亡非樂之也國家於關外賦稅益微乃至年常租課動致逋積而民失安居寧非牧守之過東境戶口空虛皆由使命繁數夫犬不夜吠故民得安居今大邦大縣舟舸銜命者非唯十數復窮幽之鄉極遠之邑亦皆必至每有一使屬所搔擾况復煩擾積理深爲民害驚困邑宰則拱手聽其漁獵桀

黜長吏。又因之而爲貪殘。縱有廉平。郡猶掣肘。故邑
宰懷印。類無考績。細民棄業。流冗者多。雖年隆復業。
之詔。屢下蠲賦之恩。而終不得反其居也。其二事曰。
聖主恤隱之心。納隍之念。聞之遐邇。至於翺飛蠕動。
猶且度脫。况在兆庶。而州郡無恤民之志。故天下顯
顯。惟注仰于一人。誠所謂愛之如父母。仰之如日月。
敬之如鬼神。畏之如雷霆。苟須應痛逗藥。豈可不治
之哉。今天下宰守。所以皆尚貪殘。罕有廉白者。良由
風俗侈靡使之然也。淫奢之弊。其事多端。粗舉二條。

梁書

奏

一

言其尤者。夫食方丈于前。所甘一味。今之燕喜。相競
誇豪。積果如山。岳列肴同。綺繡露臺之產。不周一燕
之資。而賓主之間。裁取滿腹。未及下堂。已同臭腐。又
歌姬舞女。本有品制。二八之錫。良待和戎。今畜妓之
夫。無有等秩。雖復庶賤微人。皆盛姬姜。務在貪污。爭
飾羅綺。故爲吏牧民者。競爲剝削。雖致貲巨億。罷歸
之日。不支數年。便已消散。蓋由宴醕所費。旣破數家
之產。歌謔之具。必俟千金之資。所費事等丘山。爲歡
止在俄頃。乃更追恨。向所取之少。今所費之多。如復

傳翼增其搏噬。一何悖哉。其餘淫侈著之凡百。習以成俗。日見滋甚。欲使人守廉隅。吏尚清白。安可得邪。今誠宜嚴爲禁制。道之以節儉。貶黜雕飾。糾奏浮華。使衆皆知變其耳目。改其好。天失節之嗟。亦民所自患。正耻不及群。故勉強而爲之。苟力所不至。還受其弊矣。今若釐其風而正其失。易於反掌。夫論至治者。必以淳素爲先。正彫流之弊。莫有過儉朴者也。其三事曰。聖躬。荷負蒼生。以爲任。弘濟四海。以爲心。不憚胼胝之勞。不辭癯瘦之苦。豈止日昃忘饑。夜分廢

梁書奏

三

寢。至於百司。莫不奏事。上息責下之嫌。下無逼上之咎。斯實道邁百王。事起千載。但斗筭之人。藻稅之子。旣得伏奏帷宸。便欲詭競求進。不說國之大體。不知當一官。處一職。貴使理其紊亂。匡其不及。心在明恕。事乃平章。但務吹毛求疵。擘肌分理。運挈餅之智。徼分外之求。以深刻爲能。以繩逐爲務。迹雖似于奉公。事更成其威福。犯罪者多。巧避滋甚。曠官廢職。長弊增奸。實由於此。今誠願責其公平之效。黜其讒愚之心。則下安。上謚無徼倖之患矣。四事曰。自征伐北境。

帑藏空虛。今天下無事而猶日不暇給者。良有以也。夫國弊則省其事而息其費。事省則養民。費息則財聚。止五年之中。尚於無事。必能使國豐民阜。若積以歲月。斯乃范蠡滅吳之行。管仲霸齊之由。今應內省職掌。各檢其所部。凡京師治署邸肆。應所爲或十條。宜省其五。或三條。宜除其一。及國容戎備。在昔應多。在今宜少。雖於後應多。卽事未須。皆悉減省。應四方屯傳邸治。或舊有。或無益。或妨民。有所宜除。除之有。所宜減。減之。凡厥興造。凡厥費財。有非急者。有殺民。

梁書

奏

四

者。又凡厥討召。凡厥徵求。雖關國計。權其事宜。皆息費。休民。不息費。則無以聚財。不休民。則無以聚力。故蓄其財者。所以大用之也。息其民者。所以大役之也。若言小事不足害財。則終年不息矣。以小役不足妨民。則終年不止矣。擾其民而欲求生聚。殷阜不可得矣。耗其財而務賦歛。繁興。則奸詐盜竊。彌生。是弊不息。而其民不可使也。則難可以語富強而圖遠大矣。自普通以來。二十餘年。刑役荐起。民力彫流。今魏氏和親。疆場無警。若不及於此時。大息四民。使之坐聚。

減省國費令府庫蓄積一旦異境有虞關河可掃則國弊民疲安能振其遠畧事至方圖知不及矣

梁武之世讜言不聞此奏何僅祥麟威鳳輒發大怒痛辭深詰真可怪也蓋梁武爲君重在詩賦輕在經術樂在諂說惡在讜言濫於用恩怯於用義儉以奉身奢以事佛春秋之所書梁亡者也

梁書 奏

虞瞻

奏彈伏暉

時始與內史何遠與暉為吏俱稱清
白遠累見遷擢暉遷階而已意不滿
假到東陽迎妹喪因留會稽築宅高
祖詔以為豫章內史乃出拜治書侍

御史虞
瞻奏之

奏曰臣聞失忠與信一心之道以虧貌是情非兩觀
之誅宜及未有陵犯名教要冒君親而可緯俗經邦
者也風聞豫章內史伏暉去歲啓假以迎妹喪為解
因停會稽不去入東之始貨宅賣車以此而推則是
本無還意暉歷典二邦以免貪濁此是為政之本豈

梁書 彈文

一

得稱功常謂人才品望居何遠之右而遠以清公見
擢名位轉隆暉深誹怨形於辭色與居歎咤寤寐失
圖天高聽卑無私不照去年十二月二十一日詔曰
國子博士領長水校尉伏暉為政廉平宜加將養勿
使志望致虧士風可豫章內史豈有人臣奉如此之
詔而不亡竟破膽歸罪有司擢髮抽腸少自論謝而
循奉傲然了無異色暉識見所到足達此旨而冒寵
不辭忝斯苟得故以士流解體行路沸騰辨跡求心
無一可怨竊以暉踉蹌落魄三十餘年皇運勃興咸

與維始、除舊布新、濯之江漢、一紀之間、三世隆顯、曾不能少懷感激、仰荅萬分、反覆拙謀、成茲巧罪、不忠不敬、於斯已及、請以暉大不敬論、以事詳法、應棄市刑、輒收所近、獄洗結、以法從事、如法所稱、暉卽主臣、謹案豫竟內史臣伏暉、含疵表行、藉悖成心、語嘿一違、資敬兼盡、幸屬昌時、擢以不次、溪壑可盈、志欲無滿、要君東走、豈曰止足之歸、負志解巾、異乎激處之致、甘此脂膏、孰非荼苦、佩茲龜組、豈殊縲縶、宜明風憲、肅正簡書、臣等參議、請以見事免暉所居官、凡諸

梁書

彈

在位、一皆削除、

清白是爲吏之本、豈得稱功無者、尚可不免有者、亦何足恃也、

蕭介

字茂鏡蘭陵人博涉經史兼善屬文天監六年除太子舍人大同二年辭疾致仕

諫納侯景表

人清中侯景於渦陽敗走入壽陽高祖敕防主韋默納之介聞表諫

諫曰臣抱患私門竊聞侯景以渦陽敗績隻馬歸命陛下不悔前禍復敕容納臣聞凶人之性不移天下之惡一也昔呂布殺丁原以事董卓終誅卓而爲賊劉牢反王恭以歸晉還背晉以構妖何者狼子野心終無馴狎之性養虎之喻必見饑噬之禍侯景獸心之種鳴鏑之類以凶狡之才荷高歡翼長之遇位忝台司任居方伯然而高歡墳土未乾卽還反噬逆力

梁書表

一

不逮乃復逃死閔西宇文不容故復投身於我陛下前者所以不逆細流正欲以屬國降胡以討匈奴冀獲一戰之効耳今旣亡師失地直是境上之匹夫陛下愛匹夫而棄與國之好臣竊不取也若國家猶待其更鳴之晨歲暮之効臣竊惟侯景必非歲暮之臣棄鄉國如脫屣背君親如遺芥豈知遠慕聖德爲江淮之純臣事跡顯然無可致惑一隅尚其如此觸類何可具陳臣朽老疾侵不應輒干朝政但楚囊將死有城郢之忠衛魚臨亡亦有屍諫之節臣忝爲宗室

遺老敢忘劉向之心、伏願天慈、少思危苦之語、
識深遠鑒不俟睹貌而窺石勒矣

梁書表

二

王僧辯

又勸進表

司空南平王恪率宗室五千人領軍
胡僧祐率羣僚二百人江州別駕張
佚率吏民三百餘人奉牋
勸進世祖固讓僧辯又表

紫宸曠位，赤縣無主，百靈聳動，萬國回皇。雖醉醒相扶，同歸景亳，式歌且誦。總赴唐郊，猶懼陛下俛首潛然，讓德不嗣。傳車在道，方慎宋昌之謀。法駕已陳，尚杜耿純之勸。岳牧翹首，天民累息。臣聞星回日薄，擊雷鞭電者之謂天。岳立川流，吐霧蒸雲者之謂地。苞天地之混成，洞陰陽之不測。而以裁成萬物者，其在

梁書

表

一

聖人乎。故云天地之大德曰生，聖人之大寶曰位。黃屋廟堂之下，本非獲已而居。明鏡四衢之鑄，蓋由應物取訓。伏惟陛下，稽古文思，英雄特達，比以周旦則文王之子，方之放勛則帝摯之季。千年旦暮，可不在斯。庭闕煙亡，鍾鼎淪覆。嗣膺景歷，非陛下而誰。豈可使赤眉更立盆子，隗囂託置高廟。陛下，方復從容高讓，用執謙光。展其矯行，偽書誣罔。正朔見機，而作斷可識矣。匪疑何卜，無待著龜。日者公卿失馭，禍纏霄極。矣景憑陵，姦臣互起。率戎伐頽，無處不然。勸明誅

晉側足皆爾。乃斗夜鳴烽火相照。中朝人士相顧。銜悲涼州。義徒東望。殞涕慄慄。黔首將欲安歸。陛下英略緯天。沈明內斷。橫劔泣血。枕戈嘗膽。農山圯下之策。金匱玉鼎之謀。莫不定算。扈帷決勝。千里擊靈。羸之鼓。而建翠華之旗。驅六州之兵。而總九伯之伐。四方雖虞。一戰以霸。斬其鯨鯢。旣章大戮。荷校滅耳。莫匪姦回。史不絕書。府無虛月。自洞庭安波。彭蠡底定。文昭武穆。芳若椒蘭。敵國降城。和如親戚。九服同謀。百道俱進。國恥家怨。計期就雪。社稷不墜。繫在聖明。

梁書

表

二

今也。何時而申帝啓之避。凶危若此。方陳泰伯之辭。國有具臣。誰敢奉詔。王下者。高祖之天下。陛下者。萬國之歡心。萬國豈可無君。高祖豈可廢祀。卽日五星夜聚。八風通吹。雲煙紛郁。日月光華。百官象物而動。軍政不戒而備。飛鱸巨艦。竟水浮川。鐵馬銀鞍。陵山跨谷。英傑接踵。忠勇相顧。湛宗族以酬恩。焚妻子以報主。莫不覆楯銜威。提斧擊衆。風飛電耀。志滅凶醜。所待陛下。昭告后土。虔奉上帝。廣發明詔。師出以名。五行夕返。六軍曉進。便當盡司寇之威。窮蚩尤之伐。

心脅謀臣或顧盼以就拘囚或一言而及菹醢朝之
君子相顧慄然自謂安若太山舉無遺策怵於邪說
卽安荆楚雖元惡克翦社稷未寧而西隣責言禍敗
旋及上天降鑿此焉假手天道人事其可誣乎其篤
志藝文採浮淫而棄忠信戎昭果毅先骨肉而後寇
讐雖口誦六經心通百氏有仲尼之翼有公旦之木
適足以益其驕矜增其禍患何補金陵之覆沒何救
江陵之滅亾哉敬帝遭家不造紹茲屯運征伐有所
自出政刑不由於已時無伊霍之輔焉得不爲高讓

梁書

論

三

歟

王僧辯

字君才。涪州將軍。神念之子。以天監中隨父來奔。起家爲湘東王左常侍。侯景反。王命僧

辯假節總督舟師起援京都。

勸卽位表

大寶二年十月。太宗崩。江州刺史尚書令王僧辯奉表。

衆軍薄伐。塗次九水。卽日獲臨城縣使人。報稱侯景弑逆皇帝。賊害太子。宗室在寇庭者。並罹禍酷。六軍慟哭。三辰改曜。哀我皇極。四海崩心。我大梁纂堯禋緒。基商啓祚。太祖文皇帝。猗齊作聖。肇有六州。高祖武皇帝。聰明神武。奄龕天下。依日月而和。四時履至尊。而制六合。麗正居貞。大橫固社。四葉相係。三聖同

梁書

表

基。蠢爾凶渠。遂憑天邑。閭闔受白登之辱。象魏致堯城之疑。雲辰承華。一朝俱酷。金楨玉幹。莫不同寃。悠悠彼蒼。何其罔極。臣聞喪君有君。春秋之茂典。以德以長。先王之通訓。少康則牧衆撫職。祀所以配天天。平王則居正東遷。宗周所以下世。漢光以能捕不道。故景歷重昌。中宗以不違羣議。故江東可立。儻今考古。更無二謀。伏惟陛下。至孝通幽。英武靈斷。當七九之厄。而應千載之期。啓殷憂之明。而居百王之會。取威定霸。嶮阻艱難。建社治兵。載循古道。家國之事。一

至於斯。天祚大梁。必將有主。軒轅得姓。存者二人。高祖五王。代實居長。乘屈完而陳諸侯。拜子武而服大輅。功齊九有。道濟生民。非奉聖明。誰嗣下武。臣聞日月貞明。太陽不可以闕照。天地貞觀。乾道不可以久。惕黃屋左纛。本爲億兆而尊。鸞輅龍章。蓋以郊禋而貴。寶器存乎至重。介石慎於易差。黔首豈可少選。無君宗祏。豈可一日無主。伏願陛下。掃地升中。柴天改物。事迫凶危。運鍾擾攘。蓋不勞宗正奉詔。博士擇時。南面卽可居尊。西面無所讓德。四方旣知。有奉八百。

梁書

表

始可同期。殘寇潛居。器藏社處。乾象旣傾。坤儀已覆。斬莽輓車。燒卓照市。廓清函夏。正爲瑩陵。開雪宮闈。庶存鍾鼎。彼黍離離。伊何可言。陛下繼明闡祚。卽宮舊楚。左廟右社之制。可以權宜。五禮云樂之容。歲時取備。金芝九莖。瓊茅三春。要衛率職。尉候相望。坐廟堂以朝四夷。登靈臺而望雲物。禪梁甫而封泰山。臨東濱而禮日觀。然後與三事大夫。更謀都鄙。左瀝右澗。夾維可以爲居。抗躬踈龍。惟王可以在鎬。何必勤。勤建業也哉。臣等不勝控款之至。謹拜表以聞。

徐陵

勸進表

兼通直散騎常侍魏使徐陵於鄴奉表

臣聞封唐有聖。還承帝學之家。居代惟賢。終纂高皇之祚。無爲稱於華鳥。至治表於垂衣。而撥亂反正。非開前古。至如金行重作。源出東莞。炎運猶昌。枝分南頓。豈得掩顯姓於軒轅。非才子於顓頊。莫不因時多難。俱繼神宗者也。伏惟陛下。出震等於勛華。明讓同於且奭。握圖執鉞。將在御天。玉騰珠衡。先彰元后。神祇所命。非惟太室之祥。圖畫斯歸。何止堯門之瑞。若

梁書

表

一

夫大孝聖人之心。中庸君子之德。固以作訓生民。貽風多士。一日二日。研覽萬機。允文允武。包羅羣藝。擬茲三大。實是四門。歷試諸難。咸熙庶績。斯無得而稱也。自無妄興。暴皇祚寢微。封豨脩蛇。行災中國。靈心所宅。下武其興。望紫極而長號。瞻丹陵而殞慟。家寃將報。天賜黃鳥之旗。國害宜誅。神奉玄狐之錄。滕公擁樹。雄氣方嚴。張繡交兵。風神彌勇。忠誠冠於日月。孝義感於冰霜。如霆如雷。如貌如虎。前驅効命。元惡斯殲。旣挂膽於西州。方燃臍於東市。蚩尤三冢。寧謂

嚴誅王莽。千剗非云。明罰青羗赤狄。同昇豺狼。胡服夷言。咸爲京觀。邦畿濟濟。還見隆平。宗廟懽懽。方承多福。自氤氲渾沌之世。驪連栗陸之君。封起龍圖。文因鳥跡。雲師火帝。非無戰陣之風。堯誓湯征。咸用干戈之道。星躔東井。時破嶠潼。雷震南陽。初平尋邑。未有援三靈之已鑿。救四海之羣飛。赫赫明明。龔行天罰。如當今之盛者也。於是卿雲似蓋。晨映姚卿。甘露如珠。朝華景寢。芝房感德。咸出銅池。莫莢伺辰。無勞銀箭。重以東漸玄兔。西踰白狼。高柳生風。扶桑盛日。

梁書

表

二

莫不編名屬國。歸質鴻臚。荒服來賓。遐邇同福。其文昭武穆。附萼也。如彼天平地成。功業也。如此。久應旁求掌固。諮詢天官。斟酌繁昌。經營高邑。宋王啓霸。非勞陽武之矣。清蹕無虞。何事長安之邸。正應揚鑿。旂以饗帝。仰鳳辰以承天。歷數在躬。疇與爲讓。去月二十日。兼散騎常侍。柳暉等。至鄴。伏承聖旨。謙沖爲而弗宰。或云。涇陽未復。函谷無泥。旋駕金陵。方膺天睇。愚謂大庭少昊。非有定居。漢祖殷宗。皆無恒宅。登封岱岳。猶置明堂。巡狩章蔭。時行司隸。何必西瞻虎據。

乃建王宮。南望牛頭。方稱天闕。柳又聞之。玄圭既錫。蒼玉無陳。乃械樸之愆。期非苞茅之不貢。雲和之瑟久廢。甘泉孤竹之管。無聞方澤。豈不懼歟。伏願陛下。因百姓之心。拯萬邦之命。豈可逡巡固讓。方求石戶之農。高謝君臨。徒引箕山之客。未知上德之不德。惟見聖人之不仁。率土翹翹。蒼生何望。昔蕪季張儀。違鄉負俗。尚復招三方以事趙。請六國以尊秦。況臣等顯奉皇華。親承朝命。珪璋特達。通聘河陽。貂珥雍容。尋盟漳水。加牢貶館。隨勢汗隆。瞻望鄉關。誠均休戚。

梁書

表

三

但輕生不造。命與時乖。忝一介之行人。同三危之遠。擯承閒內殿。事絕耿弇之恩。封奏邊城。私等劉珥之哭。不聞區區之至。謹拜表以聞。

光輝照天地。泣涕灑襟裾。才人之筆。義士之腸。

謝郁

戒何敬容書

敬容免職尋起賓客門生諠譁如昔與其復用會稽謝郁致書戒之

草萊之人聞諸道路君侯已得瞻望朝夕出入禁門醉尉將不敢呵灰然不無其漸甚休甚休敢賀於前又將弔也昔流言裁作公且東奔燕書始來子孟不入夫聖賢被虛過以自斥未有因時釁而求親者也且曝鰓之鱗不念杯勺之水雲霄之翼豈顧籠樊之糧何者所託已盛也昔君侯納言加首鳴玉在要回豐貂以步文昌聳高蟬而趨武帳可謂盛矣不以此

梁書

入

一

時薦才拔士少報聖主之恩今卒如爰絲之說受責見過方復欲更窺朝廷缺望萬分竊不爲左右取也昔竇嬰楊惲亦得罪明時不能謝絕賓客猶交黨援卒無後福終益前禍僕之所弔實在於斯人人所以頗猶有踵君侯之門者未必皆感惠懷仁有灌夫任安之義乃戒翟公之大署冀君侯之復用也夫在思過之日而挾復用之意未可爲智者說矣君侯宜杜門念失無有所通築茅茨於鍾阜聊優游以卒歲見可憐之意著待終之情復仲尼能改之言惟子貢更

也之譬、少戢言於衆口、微自救於竹帛、所謂失之東隅、收之桑榆、如此、令明主聞知、尚有翼也、僕東臯鄙人、入宄幸無銜舉、耻天下之士不爲執事道之、故披肝膽、示情素、君侯豈能鑒焉、

清逸獨出、何其滌盡、當時塵灰也、

梁書

書

任昉

字彥昇。樂安人。好學知名。永明初。王儉領冊。昉引爲主簿。以爲當時無輩。梁臺初建。禪讓文。語多昉所具。天監二年。出爲義興。與在清。潔兒妾。食麥而已。

爲齊明帝表草

齊明帝既廢鬱林王。始爲侍中。中書監驃騎大將軍。開府。楊州刺史。錄尚書事。宣城郡公使昉具表草。

臣本庸才。智力淺短。太祖高皇帝。篤猶子之愛。降家人之慈。世祖武帝。情等布衣。寄深同氣。武皇大漸。實奉語言。雖自見之明。庸近所救。愚夫一至。偏識量已。實不忍自固於綴衣之辰。拒違於玉几之側。遂荷顧託。導揚末命。雖嗣君棄常。獲罪宣德。王室不造。職

梁書

表草

臣之由何者。親則東牟。任維博陸。徒懷子孟。社稷之對。何救昌邑。爭臣之譏。四海之議。於何逃責。陵土未乾。訓誓在耳。家國之事。一至於斯。非臣之尤。誰任其咎。將何以肅拜高寢。虔奉武園。悼心失圖。泣血待旦。寧容復微榮於家。恥安於國危。驃騎上將之元勳。神州儀刑之列。兵尚書是稱。司會中書實管。王言且虛飾寵章。委成禦侮。臣知不愜。物誰謂宜。但命輕鴻毛。責重山岳。存沒同歸。毀譽一貫。辭一官。不減身累。增一職。以躋朝經。便當自同體國。不爲飾讓。至於功

均一匡。賞同千室。光宅近甸。奄有全邦。殞越爲期。不敢聞命。亦願曲留降鑒。卽垂聽許。鉅平之懇。誠必固。承冒之丹慊。獲申。乃知君臣之道。綽有餘裕。苟曰易。昭敢守難奪。

並是時體然情以事見事以文昭抑揚有意曲折
多姿故足樂也

梁書

表章

二

王僧孺

字僧孺。魏衛將軍肅八代孫。爲南海太守。徵還除兼御史中丞。僧孺幼貧。其母鬻紗布以自業。嘗攜僧孺至市道。遇中丞鹵簿。驅迫溝中。及自拜日。引騶清道。悲感不自勝。

辭南康王牋

僧孺出爲南康王長史。王典籤湯道愍用事。僧孺每裁抑之。道愍遂

謗。愍用事。僧孺每裁抑之。道愍遂

南司奉牋辭府

下官不能避溺山隅。而正冠李下。旣貽疵辱。方致徽繩。解錄收簪。且歸初服。竊以董生偉器。止相驕王。賈子上才。爰傳卑土。下官生年有值。謬仰清塵。假翼西雍。竊步東閣。多慙袷服。取亂長裾。高榻相望。直居左右。長階如畫。獨在寮端。借其從容之詞。假以寬和之

梁書

牋

色。恩禮遠過。申白榮望。多廁應徐。厚德難逢。小人易說。方謂離腸。隕首不足以報一言。露膽披誠。何能以酬。屢顧寧謂。屬羅裁舉。微禽先落。閭闔始吹。細草仍墜。一辭九畷。方去五雲。縱天網是漏。聖恩可恃。方復孰寄心骸。何施眉目。方當橫潭亂海。就魚鼈而爲羣。披榛捫樹。從虺虵而相伍。豈復仰聽金聲。式瞻玉色。顧步高軒。悲如霰委。踟躕下席。淚若綆縻。

